



Broj: T18 0 KTK 0014696 23
Brčko, 05.07.2023. godine

OPTUŽNICU

Protiv:

Mevludina Berbića ... rođen ... 1962. godine u Gornjem Rahiću [...]

Što je:

Dana 14.05.2018. godine, u naseljenom mjestu Gornji Rahić, Brčko distrikt BiH, kao službeno lice u svojstvu matičara, Matična služba - Ured Gornji Rahić, Pododjel za matične evidencije pri Odjelu za javni registar Vlada Brčko distrikta BiH, svjestan da unosi neistinite podatke u službenu knjigu Ovjera i da takve podatke ovjerava službenim pečatom i vlastitim potpisom, na što je i pristao, pa je u službenoj knjizi ovjera za 2018. godinu pod rednim brojem „873“, ovjerio ispravu - Ugovor o zakupu poslovnog prostora na kojem stoji da je zaključen dana 27.04.2018. godine u Brčkom i potpise ugovornih strana E.V. i S. T, bez njihovog ličnog prisustva, uvida u njihova osobna dokumenta, svojeručnih potpisa lica u knjigu ovjera čiji se potpis ovjerava, ove podatke potvrdio službenim pečatom i svojim potpisom, pa redovnim službenim putem jedan primjerak ugovora prosljedio na dalju nadležnost Poreskoj upravi Brčko distrikta BiH, koji je dalje proizveo pravne posljedice u okviru ove uprave, čime je u službenu knjigu unosio neistinite podatke da su upravo ova dva lica lično pristupila ovjeri ugovora, te se svojeručno potpisala u knjigu ovjera, iskazujući pri tome lažne podatke o svim pobrojanim činjenicama

dakle, kao službeno lice u Brčko distriktu BiH u službenu knjigu unio neistinite podatke i službenim pečatom ovjerio knjigu sa neistinitim sadržajem te takve podatke iz knjige upotrijebio kao istinite,

čime je počinio krivično djelo – Falsifikovanje službene isprave – iz člana 383. stav 2. u vezi sa stavom (1) Krivičnog zakona Brčko Distrikta BiH.

Preduzimanje radnji krivičnog gonjenja prema određenoj osobi ne znači da je ta osoba zaista i odgovorna za počinjenje krivičnog djela. Prema principu presumpcije nevinosti, svako se smatra nevinim za krivično djelo dok se pravosnažnom presudom ne utvrdi njegova krivica.
